

Johannes Hut.



In der selbige zeit als Balthasar Hubmoz fur handen war / tham auch einer ins lieche / ein zumbllich gelehrter mann / mit nammen Johannes. Hut / ein Lehrer vnd vorstander deren so den Wiedertauff gebrauchten / vnd der kleine khinder tauff verachtete / vnd vnnötig zu sein lehrete / diuwell sie noch ohne wissenschaft ohne glaub vnd verstandt sein / dann er sagt das es nur ein einstellung von menschen erdocht seige / darumb es ihnen zur sätigkeit nit nötig / aber welcher seine fehle will bewaren fur den zorn Gottes / müste sich lassen von neuwen tauffen / von ihme oder von seine discipulen / im nammen des Vatters / des Sohns / vnd des h. Geistes / auff die hüt vnd besserung eines neuwen lebens. Vnd als sie dann diesen tauff empfangen hatten / wehren sie alle leiblichen das volckh Israels / welche alle Cananiten mit den schwärde auß reuen solten. Aber der Herr solte ihnen die zeit / wann es solte geschehn / selbst offenbahren. Er stund auch sehr mechtig auff traummen / gesichten vnd offenbarungen / die welche mehrhails abscheutlich vnd schrecklich waren / die so er fur gab gesehen hatt durch visionē / vnd die Gott inder welt thun werde durch ihme vnd den seinigen. Er hielt es fur sicher vnd gewiß auß das er zeigen des Herrn ihme geoffenbahet / das der tag des Herrn vorhanden / vnd das er den Engel gesehen / welcher die Basaune bereiteete vmb zu blasen. Vnd der vrsachen viele seiner discipulen ihre haab vnd gütter / vnnützlich durch gebracht / vnd verliederlicht haben / vermahnten sie soltens in so kleine zeit kaum alles kennen verzeihen / so viele güttern / darumb etlichen the güt durch bracht / vnd der letzte tag nicht thummen / seind in verdriessliche vnd langwertige armit gefallen / vnd dannoch haben diese arme irrige menschen / durch diese grobe vnd verführische sehnwärmer nicht vmb gesehen oder gemerckt das sie nit ein Prophet / sonder dulle vnd vnbefinde leute vorhanden hatten / vnd diesen anhäng regiert gar starkh im lande zu Merhern / alwah sie daselbst grose mechtige hüser wie Elöstern besitzten / vnd haben alle ihre zeitliche güttern gemain / dar im man von allerhand handtwercker treibt / vnd meistern vnd regierer dar vber gestellt / so mit ordnung alles versehen. Haben köch vnd kheller meistern / vnd die solche gemachte wahren / vnd kauffmanschaften verhandlen / vnd hatt vnder ihnen keiner mehr vorzehl oder ansehns dan der ander. Diese nennet man die Hütterische Bräderen noch auff diesen tag.

cm
7
6
5
4
3
2
© Herzog Anton Ulrich-Museum Braunschweig

